

DIREKTNA STRANA ULAGANJA

Apstrakt

Doktorska disertacija se bavi prezentacijom, oblicima, motivima, efektima direktnih stranih ulaganja u razvijenim zemljama, zemljama tranzicije i zemljama u razvoju, njihovoj uporedivosti na globalnom nivou, kao i istraživanjem mogućnosti podsticaja stranih ulaganja u procesu ocjene direktnih i indirektnih efekata i upravljanja investicionim procesom u svjetskim razmjerama. Uz analizu postojećih teorijskih i praktičnih rješenja u oblasti investiranja, istraživanje se usmjerilo na konstituisanje analitičko-metodološkog instrumentarija, modela i mjerila za vrednovanje projekata kod investiranja bilo kojeg oblika ulaganja, u skladu sa svjetskim metodama ocjene efikasnosti ulaganja u privrede zemalja, kao i definisanje kriterija i modela praćenja, kontrole i usmjeravanja stranih ulaganja. Takav pristup omogućuje usmjeravanje ulaganja i ostvarenje efekata investiranja u cilju optimizacije ulaganja u regione, privredne sektore na globalnom nivou, a u skladu sa pravilima međunarodnog kretanja kapitala.

Rezultati istraživanja, analiza predstavljaju doprinos naučno-teorijskoj metodologiji u domenu investicija i efikasnosti ulaganja u investicione projekte, u cilju unapređenja globalnog razvoja privreda zemalja svijeta na formalizovan i naučno zasnovan način. Savremeni pristup investicijama predstavlja osnovu za efikasnije korištenje metoda ocjene efikasnosti ulaganja, oblika ulaganja u praksi investitora, načina podsticaja stranih ulaganja od strane države, kao i za dalju teorijsku nadgradnju.